

新疆圖志卷九十八

奏議志八

清

恪靖侯左宗棠奏稿

疊奉 恩旨出示曉諭摺

漏逸逆酋糾眾窺邊現籌防勦摺

賊酋犯邊進勦大勝摺

遵旨開單報銷摺

敬陳新疆善後事宜摺

新疆圖志

奏議志八

甘肅新疆防營承修工作請飭部備案摺

覆陳新疆開郡縣疏



左宗棠奏疊奉恩旨出示曉諭摺

竊臣於光緒五年四月初七日承准軍機大臣字寄光緒五年閏三月二十四日奉

上諭崇厚奏遵查邊境滋事匪徒與俄國商辦情形一摺據稱逃匿俄界之回匪分道寇邊經俄國外部尙書格爾斯面稱此項人衆並非俄國之人路票內寫明地方係在界內不料其越界滋事現已知照各邊界認真查禁嗣後越界滋事之人任聽中國辦理等語即著左宗棠金順隨時相機妥爲籌辦至照會中有中國將回

新疆圖志

奏議志八

二

人赦免准其回籍一節自係指未經滋事良善回民而言並著左宗棠酌度情形出示曉諭其首要各逆及怙惡不悛者固爲法所難寬其洗心遷善情有可原者自應分別辦理以示勸懲等因欽此臣維伊犁本準部故地乾隆間戡定以後番族寢微回部民人羸雜其間苗裔雜居伊犁居人除旗綠各營及各省漢回商民遣犯外一爲纏回由南疆轉徙而來遂成土著一爲本地土回則伊犁各城舊有種族一爲陝回係近時官軍克復各城後畏剿逃避伊犁俄官寘之綏定城要而言之纏

回性多良懦本無悖逆重情陝回敗亡之餘避地逃生亦非別有詭計前聞陝回楊萬勝趙全福等自伊犁來投金順令其轉相招致導以撫局其成與否尚未接據續報然其就撫固在意中茲聞伊犁交還有日纏回陝回兩種當可無他惟土回被脅已久自恐難邀曲貸其心懷反側在所不免俄人之請將回人赦免准其回籍似專指陝回言之惟頻年辦理回案原係欽遵

諭旨剿撫兼施而陝西漢民與回仇怨既深就撫陝回萬難復歸故土故厯次辦理撫局概將陝回安插甘境

新疆圖志

奏議志八

三

其甘回之就撫者亦令遷移甘轄附近郡縣與漢民異處俾耦居無猜各得其所庶幾日久相安

諭旨飭酌度情形出示曉諭此即欽遵出示並會伊犁將軍金順前銜恭錄徧行曉諭其洗心遷善情有可原者准分別辦理並咨行軍營文武凡繳認馬械傾誠就撫者入關安插不得留難阻滯以廣

皇仁惟示稿中於首要各逆及怙惡不悛者固爲法所難寬一層未及備錄恐啟猜疑甫於四月十七日由驛分行馳遞旋於十八日欽奉四月初七日

諭旨伊犁回人從前被賊迫脅未能自拔情尚可原其
被脅人衆概可從寬免罪予以自新著左宗棠明白曉
示並飭帶兵員弁收城之日不得妄行誅戮以示法外
施仁至意等因欽此遵於四月二十一日仍會金順前
銜恭錄

諭旨曉示伊犁回民人等一體知悉安堵無恐勿得懷
疑觀望自外生成各路帶兵員弁收城之日不准妄行
誅戮致干軍律竊維兵事不外剿撫兩端而撫倍難於
勦勦者一時利鈍成敗之分當幾可以立斷撫則恩信

新疆圖志

奏議志八

四

爲主非寬厚不足以示包荒而安反側之心亦非威權
不足以示區別而爲久遠之計特輕重緩急次序攸分
辦理偶失其宜則勸懲之用將有時而窮人雖至愚無
不知貪生而畏死使其倖逃顯戮固貽異日隱憂使其
因疑懼而惑衆生端尤慮變生不測智欲其深勇欲其
沈固未能責其效於旦夕間也臣當與金順慎以圖之
諭旨收城之日不准妄行誅戮各路帶兵員弁應即懍
遵惟受撫之際每因兵勇搜求財物致起事端尤宜嚴
明紀律以免有所藉口臣當分別咨行轉飭各員弁一

體遵照毋准違犯以明軍律謹將遵

旨出示並擬辦情形據實馳陳伏乞

聖鑒訓示施行 光緒五年五月初二日

新疆圖志



奏議志八

左宗棠奏漏逸逆酋糾眾窺邊現籌防剿摺

竊喀什噶爾今正大捷逆酋愛克木汗條勒阿布都勒哈瑪與敗殘餘眾數十人竄遁俄境阿來地方五月內被俄官驅逐該逆酋等因俄不見容遂由阿來竄出越愛克什塔木俄國邊卡踞我外卡之外以跟地方自言無地逃生卑詞懇諸安集延布魯特各回助其竊踞邊城暫延喘息回眾中喜事無賴之徒轉相勾煽加以誘脅從亂者漸多六月十七日竄至烏魯克恰提嗣後渡河而南招致回部意在窺邊

臣接道員羅長祐緘告比

新疆圖志

奏請志八

六

於八月十一日覆陳摺內附叙及之旋接通政使二等男臣劉錦棠七月十四日咨報所叙賊情賊蹤與羅長祐無異而佈置一切較爲詳明按烏魯克恰提距喀什噶爾約七百里中隔戈壁賊由烏魯克恰提南竄則必出烏帕爾西南竄則必出色勒庫爾以兩地水草均便多產糧料人馬足供故也劉錦棠先派羅長祐率馬步赴烏帕爾修築堅壘留副將劉必勝步隊總兵夏辛酉馬隊駐守扼之筋西南沿邊各布魯特徙帳內地避賊裹脅劉錦棠按兵喀什噶爾擬伺賊所向急起擊之嗣

復接劉錦棠七月二十五日咨報阿布都勒哈瑪由烏魯克恰提翻山而南向色勒庫爾窺走後兩日愛克木汗由烏魯克恰提踰河而南越買勒克蘇明特蓋等處復向西南竄走是其併趨色勒庫爾圖與阿布都勒哈瑪合股無疑劉錦棠派羅長祐率步隊三旂留守喀什噶爾漢城總理後路防守事宜總兵杜錫斌率所部董字左營步隊駐紮回城並飭提督李克常副將劉必勝等仍常駐紮以重邊防布署已定七月二十六日劉錦棠親率馬步二千有奇由喀什噶爾向色勒庫爾進發沿途如別無戰事計旬日內可到地接仗容俟續報到時再行馳

新疆圖志

奏議卷八

七

奏竊維新疆北路壤接哈薩克布魯特南疆則與安集延布魯特各部落毘連此次賊竄色勒庫爾地屬葉爾羌邊境在喀什噶爾西南種人雜錯其間最易煽動非逃于殲夷則展轉勾結必致重煩兵力劉錦棠料賊所必出之途而急起乘之者以此所幸賊蹤經歷皆山谷崎嶇官軍由卡內追擊道路稍夷如履衽席差爲得算至若新疆地方因俗施治政教未行愚回信奉其汗比

條勒已成錮習非革除舊俗漸以華風望其長治久安
事有難言者微臣之妄擬改設郡縣亦以此擬俟北路
底定再會議請

旨遵行謹將逆酋窺邊官軍馳剿情形據實陳

奏伏乞

聖鑒訓示施行

光緒五年九月初二日



左宗棠奏賊酋犯邊進剿大勝摺

竊布魯特賊首阿布都勒哈瑪安集延賊首愛克木汗
條勒等率眾竄逼色勒庫爾通政使二等男臣劉錦棠
親率馬步二千餘人定於七月二十六日啟行前往剿
辦所有進兵情形經臣具奏在案茲准劉錦棠九月初
二日來咨稱七月二十五日據色勒庫爾阿奇木伯克
阿布都勒哈山等稟報前來探得賊股竄至蘇巴什地
方距色勒庫爾祇有一站因飭伯克素唐夏等在城防
守一面帶同伊什罕伯克米爾子咬克木等並居民二

新疆圖志

奏議卷八

九

百出城扼紮蘇巴什南面該賊探知要隘已扼即繞由
間道踰嶺而來十九日大股已抵城下約三千餘人將
城圍住祈撥大兵援剿劉錦棠以色勒庫爾城小而堅
尙易固守但阿奇木伊什罕等均隔任城外恐城內各
回民與居民不無驚惶該處設有疏虞勦辦較爲費手
又以師行糧隨路險不能容車且聞沿邊布魯特各族
被脅者多其尊崇條勒之教聞風響應者尤復不少自
英吉沙爾出卡皆布魯特支帳之所爲運道所必經難
保中途無梗因飭各營裹帶二十日行糧並飭喀什噶

爾英吉沙爾各局星夜雇驢裝運糧料一並飭行劉錦
崇二十六日督隊由喀城啟行二十七日抵英吉沙爾
適前調之管帶壽字馬隊提督陳建厚率隊前來即飭
暫駐英城次日復飭提督張俊提督石蘊玉辛定遠中
右步隊兩營並提督胡登花率定遠左營五成隊伍帶
同進剿仍留該營五成隊伍會同壽字營一旗馬隊駐
守英吉沙爾城垣八月朔日過哎齊牙克達坂抵哈引
恰提地方接據色勒庫爾守城明伯克素唐夏等稟報
連日賊衆環攻率居民同心堅守二十六日早賊酋派

新疆圖志

奏議卷八

十

人到城下誘降伯克等以阿布都勒哈瑪在賊酋中素
稱兇狡非設計擒斬不可乃僞許其降約阿布都勒哈
瑪前來定議阿布都勒哈瑪信之旋即親詣城下該伯
克等預選二十餘人各帶軍器出城與阿布都勒哈瑪
相見數語後王子巴什蘇乃滿等即將該酋馬韁扭住
阿布都勒哈瑪知已中計拔刀砍落蘇乃滿數指撥馬
狂奔幸二十餘人中有一名豁罕者開鎗擊洞該酋背心
即時落馬而同去各人同時開鎗排擊斃賊七名餘賊
飛奔伯克等割取阿布都勒哈瑪及七賊首級入城賊

黨忿其攻城愈急盼官軍往救等情劉錦棠得報改道由山路急進因巖壑崎嶇勢難迅速初三日趨行百餘里至勤的克地方探報色勒庫爾之賊聞官軍將至已於二十九日向北竄去初四日又改道北趨踰卡拉塔什達坂至秦爾里安訶賊於初二日已竄至布倫可地方布倫可者西南距色勒庫爾約四站距秦爾里安約兩日程劉錦棠以賊既相距四站若不覓路繞追必難及賊比令董字中右兩營定遠中左右三營各步隊及靖營馬隊西征馬隊一旗暫歸提督董福祥節制於初

新疆圖志

奏議卷八

十一

五日四鼓兼程先進自率總理營務處知府袁焱齡督飭總兵各哨並總兵侯名貴砲隊一旗提督譚慎典白旗馬隊一營提督楊金龍之恪中馬隊一旗軍功何振元之防勇步一隊旗及纏回各馬隊護衛輜重亦於是日辰刻繼進初十日行抵察哈爾良疊接董福祥稟報初五日抵紮克牙哈奇初六日午刻至察哈爾良獲賊探一名訊據供稱賊蹤相距六七十里董福祥擬乘夜襲之飭各營小憩申刻銜枚疾馳夜分至彼賊已聞信竄去初十日早追至空台根滿斯忽見前面有賊三十

餘騎向木吉一路狂奔並見所宰牛馬鮮血滿地知賊
去不遠念官軍兩日一夜馳三百數十里人馬勞乏甚
矣然不猛進賊更遠颺遂挑步隊之健者乘隊驟隨同
馬隊追逐派提督張俊率之先進董福祥率疲乏步隊
護輜重繼進酉刻據張俊馳報是日午後追至木吉探
賊大股麇聚距木吉六七里地方解鞍秣馬張俊整隊
徐進自率數十騎登高瞭望見前面峻嶺夾峙大河貫
入谷口賊見東南塵起知我軍追至遂列隊河南分數
十團每團數十百騎依山對河按次排列令總兵夏辛
四提督張宗本率西征一營一旗馬隊擊其左總兵田
九福之董左營爲接應提督方友升率靖營馬隊擊其
右提督胡登花石蘊玉之定遠左右兩營爲接應自率
董中營定遠中營隊伍由中路擊之鏖戰半時勝負未
分忽有一綠衣賊酋手執紅旗在前指揮掠陣勢甚兇
悍被我馬軍鎗轟落馬賊遂大敗官軍掩殺約二里許
賊復回拒張俊嚴飭各營整隊奮擊斃賊多名該逆仍
死拒不退夏辛酉張宗本方友升等各分哨由左右兩
路繞出其前自率馬隊直貫賊陣張俊又率所部由中

路奮威衝殺人自爲戰無不以一當十賊方窘蹙至極時復見官軍左右抄截去路將斷遂大潰狂奔官軍乘勝追至卡拉阿提地方時已天晚遂收隊就地爲營是夜四鼓張俊仍率隊猛追初八日午刻又復及賊沿途賊尸枕藉初九日直追至黑子拉提達坂下該逆僅剩百餘騎翻山亂竄張俊等以過山即係俄屬阿來地界乃止不追方賊在木吉西面爲官軍擊敗時張俊等正追賊向前董福祥率隊進至該處遙望谷口有馬馳出瞥見平川內有賊約二三百牛羊二三千知爲賊衆所

新疆圖志

奏詳卷八

十三

擄在後留牧者董福祥麾隊猛擊賊衆翻山紛竄官軍急追悉數斬之計是役共殺賊二千數百名奪獲軍械旗幟千數百件馬匹牛羊數百頭生擒悍賊六十三名內有胖色提買賣提巴巴一名玉子巴什十五名陣斬著名胖色提曰買賣賽亦提曰阿子曰亦薩克曰白奇巴圖魯曰阿里必曰開拜克拉八和洛曰毛拉和買提曰邁提哈力克曰可坎乎完提曰托乎大曰克力恰克等十一名其買賣賽亦提卽前安夷帕夏阿古柏派充喀喇沙爾大通哈者也其生擒之買賣提巴巴者卽阿

古柏派充烏什大通哈者也至陣斬玉子巴什據稱有六十餘名難以悉數此八月初五至初九等日馬步各營追剿疊獲大勝之實在情形也劉錦棠以餘賊業經過山追亦無及遂飭各馬隊由阿依阿提達坂回防自率各步隊由碧勒可斯達坂回防以色勒庫爾伯克等固守城池並能誘殺巨酋厥功甚偉而城外莊稼牲畜被賊劫掠殊可矜憫因飭提督楊金龍攜帶銀兩緞疋率恪中營馬隊馳赴該處酌給犒賞以示激勸安撫事竣即由田角塔回防緣山內道路紛歧即各城纏回亦

未嘗經歷故飭馬步各隊分路行走兼察地勢其逆酋阿布都勒哈瑪首級經楊金龍解至喀城當傳飭本地纏回與該逆素識者驗明傳首示眾除將生擒之買賣提巴巴胖色提等六十三名訊明斬梟外其從逆之布魯特頭目庫彌什豁坎等二名已經按名拿獲解營候訊明分別辦理查阿布都勒哈瑪與愛克木汗條勒兩次糾眾犯邊狡猾克頑愍不畏死此次率黨竄至烏魯克恰提卡外聲言奉俄國號令攻取喀英各城煽惑部眾及聞官軍布置嚴密無隙可乘遂變計往攻色勒庫

爾翼取該處爲老巢爲復擾回疆張本劉錦棠聞報督隊疾馳踰越重疊選坂鑿冰開道冒險以行方擬進至伊犁克雅克地方截其歸路便可聚殲詎該逆偵知官軍進剿先已北趨當官軍行抵秦爾里安之日賊於前兩日已過布倫可地方方按程計日相距數站雖派隊急追竊恐未能及賊幸董福祥張俊等迅厲無前士氣競奮四晝夜馳入百餘里人未交睫馬未卸鞍接仗時猶復倍加抖擻愈接愈厲卒能殄此狂寇大振軍威惟此次師行所至率皆荒寬阻絕自來人跡罕到之區石

新疆圖志

奏議卷八

十五

壁冰梯直插霄漢鳥道陡絕士馬均須猱附而升俯視幽壑冥冥渺不見底加之煙霧嵐瘴濃濁殊常中者不省人事致弁丁之染患急證者多而戰馬糧馱之墜崖而斃及勞傷以死者更難數計蓋自出關以來行軍之艱阻勞瘁未有若斯之甚者也嗣接探報愛克木汗條勒竄至俄境阿來所屬可苦蘇地方隨行僅三十餘人內有受重傷者五人可苦蘇北通安集延西通哈拉替根俄人將愛克木汗條勒如何安直之處應候探明續報臣竊維新疆邊患以布魯特安集延爲最劇以壤地

交錯易致衅端也而布魯特之汗互相雄長安集延之條勒爲回族所崇信故汗與條勒一有煽動內地回衆即靡然從風轉相勾結星星之火足以燎原非乘其初發急起撲之不可也劉錦棠自克西四城後上年速勒陝回金山去冬今春雨勒安集延布魯特各逆此次復勒阿布都勒哈瑪愛克木汗條勒用兵不越旬時渠目幾無漏網而內地各城得安堵如故雞犬無驚者則審機之明赴機之速有以致之臣前奏以賊由外卡之外繞攻色勒庫爾地勢崎嶇劉錦棠由喀什噶爾英吉沙

新疆圖志

奏議志八

十六

爾邊境以援色勒庫爾程途較爲坦易不料賊攻堅城不下逆酋探計援首羣賊聞官軍驟至擁愛克木汗條勒狂奔避官軍而北竄劉錦棠指麾各營改由北路前截後追備嘗艱阻卒以歲役愛克木汗條勒雖贖二十餘人遁竄俄境死灰難以復然亦概可見矣所有此次及前次速勒陝回金山及去冬今春雨勒安集延布魯特其四案尤爲出力文武員弁兵勇謹擇其尤者併爲一案繕具清單恭呈

御覽伏乞

天恩逾格准獎以示優異此外出力將士猶多應歸另
案保獎庶足勵士氣而播
皇威而偉伐遐宣可增史牒之光亦可靖兵戎之氣其
力戰陣亡者

天恩飭部照擬保官階從優議卹以慰忠魂所有勦辦
邊寇大獲勝仗情形謹會同幫辦甘肅新疆善後事宜
前浙江撫臣楊昌濬據實馳陳仰祈

聖鑒訓示施行

光緒五年十月十一日

左宗棠遵 旨開單報銷摺

竊臣前以西征軍需收支款目繁鉅部議分別造冊開單礙難照辦瀝陳實在情形請自同治十三年正月截至光緒二年十二月底回疆肅清止分作兩案一律開單報銷以昭核實而歸簡易各情於光緒四年十二月十七日拜摺具陳本年三月初四日差弁賚回原摺奉

旨著照所請該部知道欽此當於本年四月十一日將同治十三年分收支各款彙爲一案欽遵開單專摺

新疆圖志

奏議卷八

十八

奏部奉

旨該部知道單併發欽此跪聆之下仰見

聖明崇實黜浮至意下懷欽感莫可名言茲據辦理陝甘後路糧台湖南補用道王加敏辦理駐陝軍需局署理陝西按察使陝安道沈應奎會詳稱光緒元年正月初一日起截至三年十二月底回疆肅清止一切收支款目彙爲一案收欵則以奉撥部帑並各省關協餉洋商借欵商號那借及前次單開實存餉銀爲大宗其次則捐輸稅釐丁課各營兵勇截曠台局扣收平餘諸雜

欸與夫穆圖善雷正綰各軍專餉由臣統收分撥者內除撥交穆圖善金順英翰明春自行造報之欸及解交烏里雅蘇台借用西征糧台餘存駝價以及撥還前次單開此案劃借軍餉銀兩一併劃清外茲截至三年十二月底止共管收銀二千六百七十四萬五千九百二十一兩五錢九分六釐一毫五絲九忽六微此入欸之實數也支欸則以馬步各營旂弁勇歷年支應口糧及補發前單積欠口糧以及津貼各營糧料價值水陸轉運腳價撥解餉銀滙費爲大宗次則採辦軍裝軍火旂

幟號衣帳棚洋鎗洋礮子藥銅帽以及車驟鞍履什物等項又次則商號利息隨營辦事各台局當差文武員弁薪水書役工匠護勇長夫口糧紙張油紅等費又次則各軍屯墾經費漢回安插賑濟津貼州縣辦公奉差員弁川資傷亡員弁勇卹賞各等項通截至光緒三年十二月底止共支銀二千六百四十五萬二千六百三十兩九錢三分八釐六毫二絲五忽二微此出欸之實數也以出抵入應存銀二十九萬三千二百九十九兩六錢五分七釐五毫三絲四忽四微歸光緒四年正月以

後支用造報而本案欠發及前單積欠之款各營軍餉除裁撤歸併營註銷欠餉不再補發外實欠發銀四百三十八萬一千九百一十六兩七錢一分一釐九毫六絲八忽七微各營傷亡弁勇卹賞養傷則實欠銀三十一萬四千三百九兩五錢四分七毫三絲八忽二微又欠發此次入款項下列收洋商及各台局挪借各款銀六百七萬五千八百兩均係實欠應還之款應統俟光緒四年正月以後收到協餉陸續發還另案造報以清界限據王加敏沈應奎等開具清單詳請核明具

新疆圖志

奏議志八

一一一

奏前來臣維此案報銷分年攤計用款比之歷年爲數較多誠以大軍遠征荒徼萬里轉輸致一鍾而費十鍾每糧一石運至軍前積價至數十金即軍裝軍火等件無不運價倍於採價此腳價運費一項較前案加多之實在情形也至華洋各商號利息多於前案幾將十倍蓋由本案協餉不時挪借過多以致息銀積成巨款其弁勇口糧製造軍火文武員弁薪水屯墾經費等項均較前案略有加增則以出關後各營不扣糧價新疆闢地日廣捍衛藉資器械辦事需員克復城池隨地安插

戶口時勢不同事難畫一業經另片陳明在案臣職兼
度支惟有隨時隨事力求核實以期仰副

宸衷茲據該局台開單會詳到營臣覆覈無異謹遵

旨將光緒元年正月初一日起至三年十二月底回疆
肅清止收支各欸彙爲一案繕具簡明清單恭摺敬呈
御覽懇

旨飭部核銷其光緒四年正月以後軍需收支欸目臣
已飭令該台局隨時清釐以備另案具
奏伏乞

新疆圖志

奏議志八

二二

聖鑒訓示施行

光緒五年十一月初八日

左宗棠奏敬陳新疆善後事宜摺

竊維新疆善後事宜以修濬河渠建築城堡廣興屯墾
清丈地畝釐正賦稅分設義塾更定貨幣數大端爲最
要臣前奉

諭旨南北各城應如何隨宜經理之處卽著悉心籌畫
次第興辦此卽恭錄咨行南北兩路在事諸臣一體欽
遵旋准張曜劉錦棠咨呈并據前署鎮迪道周崇傅現
任鎮迪道福裕委辦吐魯番局務道員雷馨遠稟報前
來以修濬言之哈密修石城子渠鎮西廳修大泉東渠

新疆圖志

奏議志八

一一一

迪化州修永豐大平二渠安順一渠綏來縣修長渠奇
臺縣修各渠吐魯番所屬渠工之外更開鑿坎井一百
八十五處庫爾勒修復舊渠四十里庫車濬築阿柯寺
兩大渠皆各防營將領督飭防營兵勇輪替工作其兼
用民力者給以僱值地方官募民興修者亦議給工食
誠以民困甫蘇未可責以力役也以城堡工作言之曷
國屋宇以利樓止農商工匠之所宜也行國疆廬移逐
水草畜牧游獵之所便也今旣聯異域爲一家則城堡
不可以不設奇臺綏來喀喇沙爾庫車或因舊基或拓

新地均不勞民力不耗公財而崇墉屹然足資保障以屯墾言之鎮西廳屬兵民起墾五萬數千餘畝奇臺報墾民戶九百有餘軍營新墾六千六百餘畝迪化舊報承墾三千餘戶核多浮冒茲按冊報連新增民戶實只二千有奇軍屯尙未據報畝數昌吉新舊墾戶共一千三百有奇綏來共九百餘戶吐魯番及南疆八城除沙磧外荒地漸少新增屯墾均在新開渠工兩岸未據冊報畝數其熟地適當清丈之際劉錦棠張曜現飭各局員冊報俟清丈竣事始可彙齊送核也以清丈言之量

新疆圖志

奏議志八

二二

地卽履畝之法長短廣狹非丈量不能明肥腴瘠薄非按冊不能準而西北地多高仰土性善滲需水尤殷水足者地價倍昂以產糧多也水歉少收價亦隨減將欲則壤成賦必先計水分之充訕定地畝之瘠饒科糧賦之輕重光緒四年徵收無額臣與劉錦棠張曜周崇傅函牘相商仿古中制而更減之按民間收糧實數十一分而取其一經收回目任意增減者許戶民自陳印委各員傳經手人斥責甚者加以革黜并令於收穫後通行清丈按地畝肥瘠水出贏絀分九等科賦地旣廣濶

創行之初事體繁雜人役弓手多不諳熟一時未能集
事旋改爲上中下三等徵收以取簡易迨五年秋成冊
報猶未造齊仍照上年十一分取一之例征收民間輸
將爭先約計六年秋穫丈量可竣按畝科賦多寡始歸
一律矣以賦稅言之鎮迪一道光緒四年分徵收各色
京斗糧六千九百四十餘石房租銀六千一百餘兩吐
魯番廳征糧一萬四千二百餘石地課銀二千一百餘
兩喀什噶爾征收各色京斗糧料六萬五百八石英吉
沙爾征收二萬六百十二石葉爾羌征收七萬九千四

新疆圖志

奏議志八

一一四

百十二石和闐徵糧二萬六千八百七十九石徵折銀
色五千四十九兩課金四百六十兩阿克蘇徵糧一萬
四千二百三十石徵折銀色三千三百三十八兩徵紅
銅黑鉛礮鐵均照額交納烏什徵糧八千三百七十八
石徵折色錢五百一十緡庫車徵糧一萬二千八百四
十九石徵折色銀五千餘兩徵紅銅棉花如額光緒五
年秋開徵仍按照四年徵收欸目如數完繳內加喀喇
沙爾一城因久罹兵燹流亡未復四年無徵五年分據
各局報徵過各色京斗糧六千五百九十八石尙未截

數綜計南北兩路徵收糧數折合京斗已二十六萬一千九百餘石而專就南路收數計算較戶部鈔案從前額徵十三萬餘石已增十萬六千五百石有奇此皆清丈未竣暫照十一分徵收之數若丈量完事併加入北路續增及開渠成熟地畝新賦合算自更有增無減此外稅課折色有照常徵收者有併入釐稅徵收者就釐稅言之各局冊報自四年秋冬至五年夏不足一年已收銀十八萬有奇亦稱入款大宗如伊犁事定商貨暢行則釐務自有起色姑勿論也以義塾言之新疆戡定

新疆圖志

奏議志卷八

一一五

已久而漢回彼此扞格不入官民隔閡政令難施一切條教均藉回日傳宣壅蔽特甚將欲化彼殊俗同我華風非分建義塾令回童讀書識字通曉語言不可臣與南北兩路在事諸臣籌商飭各局員防營多設義塾並刊發千字文三字經百家姓四字韻語及雜字各本以訓蒙童續發孝經小學課之誦讀兼印楷書各本令其摹寫擬諸本讀畢再頒行六經俾講求經義疊據防營局員稟興建義塾已三十七處入學回童聰穎者多甫一年而所頒諸本已讀畢矣其父兄競以子弟讀書爲

榮華相矜寵並請增建學舍頒發詩經論孟資其講習
局員送閱各塾蒙童臨摹做本筆姿頗秀並稱蒙童試
誦告示皆能上口教以幼儀亦知領會蓋讀書既可識
字而由聲音以通言語自易爲功也張曜因出

聖諭十六條附律易解一書中刊漢文旁注回字刊發
纏民見者寶貴足見秉彛之良無中外可分欲善則善
理有固繫雖不必化民成俗而其效已可觀也以貨幣
言之回民市易舊用制錢漸專用銀而賤色高低分量
輕重驟難明晰奸僞日滋阿古柏竊踞南八城創鑄銀

新疆圖志

奏議卷之八

一一八

錢名天罡式圓如餅中無方孔不類錢形其賤色分量
任意低減圖售其奸故市價相權不能允協民以爲苦
應改造銀錢以平市價而利民用惟改造銀錢宜先製
模式較準一律交官設局經理然後私造與贗僞易於
辨認而行便可規久遠臣飭蘭州製造新式銅模交張
曜督局依法試製範銀爲錢用銀片錘成不須鑄鑄枚
重一錢外圓內方輪廓分明字蹟顯朗大小厚薄如一
與制錢相權銀爲母銅爲子市廛通用可免畸重畸輕
之患而新模精巧由官改造工速費節私假不致混淆

人知寶貴准張曜呈送樣錢前來臣察核無異試俟試
行漸廣請

旨遵辦期爲新疆創此永利以救圜法之窮凡茲數端
均已緒可尋漸著成效者也至於中土蠶絲賴及萬
方向湖產尤甲中土泰西市舶駢集滬上航海往返費
省運捷非若陸路之艱阻也西北各部落行國居多衣
被廬帳取給氈片禹貢於崑崙析支渠按皆以織皮概
之由來久矣近代以來參用蠶絲和毛彈織精緻殊倫
售獲善價惟與中土通商專在陸路運致維艱新疆南

新疆圖志

奏議七十八

二七

北產桑土人但取葦代糧或稱藥材蠶之利未廣俄羅
斯及諸邊種人購絲於新疆不足仍議入蜀購絲臣通
檄甯北兩路局員檢校屬境桑株陸續稟報統計桑樹
八十萬六千餘株教以飼蠶繅絲諸法兩年始有微效
據各處呈驗新絲色潔質韌不減川絲前飭滬局採運
委員胡光墉延訪德國開河鑿井織呢師匠帶購機器
來蘭州入製造局教習西法並飭募僱湖州土民熟習
蠶務者六十名交委員祝應燾由籍管領並帶桑秧蠶
種及蠶具前來教民栽桑接枝壓條種葦浴蠶飼蠶煮

繭繰絲織造諸法自安西州敦煌哈密吐魯番庫車以至阿克蘇各設局授徒期廣浙利於新疆也所以先南路而後北路者以南疆生桑頗多一經移接便可飼蠶繼民勤習工作可收事半功倍之效由是推之西四城更推之北路耕織相資民可使富即西北諸行國取攜亦便毋庸度隴趨蜀以買新絲遠商拜惠懷我好音彼獲其贏我亦得施其控制之術從此氛祲潛消亦未可知非僅釐稅有增稍紓軍儲之急已也特事涉創行無速效可觀臣不敢多所論列惟有黽勉圖之仰副

新疆圖志

奏議志八

一一八

宵旰憂勤之意謹一併附陳伏乞

聖鑒訓示

光緒六年四月十七日

左宗棠奏甘肅新疆防營承修工作請飭部備案摺
竊查甘省內地自遭兵燹以後千里蕭條東路各屬地
於衝要荒廢尤甚如會寧縣之翟家所張陳堡安定縣
之王公橋隆德縣之六盤山固原州之二關口等處均
爲著名險隘其間溝澗深窄河道沮淤道路橋梁率多
傾塌夏潦冬冰時有阻滯傾覆之患農商行旅均以爲
苦嗣經統領武威軍甘肅平慶涇固道魏光燾統領楚
軍中路各營記名提督鎮海協副將周紹濂會同統領
楚軍前路各營提督劉端冕等督飭各該防營於操防

新疆圖志

奏議志八

一一九

護運之暇次第承修會甯屬境大小磚石土木橋十九
座種樹二萬一千餘株安定屬境木石橋八座種樹十
萬六千餘株金縣屬境木石橋三座種樹四千四百餘
株皋蘭屬境木橋一座種樹四千五百餘株修造會安
等處祠廟行館書院一十三所險阻大小路徑亦均修
治平坦涇州屬境大小木石橋九座平涼屬境大小木
石橋二十九座固原屬境大小木石橋十座新開三關
口蒿店瓦亭沿河一帶石路四十餘里隆德屬境大小
橋梁六座六盤山上下車路二十餘里靜甯屬境大小

土橋七座新開會甯縣城東起至翟家所止車路四十
三里又自陝西長武縣界起至會甯縣東門外止計程
六百里節年共種植成活樹二十六萬四千餘株柳湖
書院種活樹一千二百餘株平慶涇固道署內外種活
樹一千餘株環縣屬境種活樹一萬八千餘株董志縣
丞及鎮原縣境種活樹一萬二千餘株此外平慶涇固
各屬驛路固原北至平遠以達惠安堡鹽路均已一律
修治平坦又先後承修平涼慶陽隆德合水董志縣丞
鎮原平遠各府縣城垣衙署及各祠廟堡寨驛館所需

新疆圖志

奏議志八

二十一

經費皆由各營旂隨時捐發並由魏光燾陸續捐給經
費銀八千七百餘兩以上各工業經委員勘驗均已完
竣堅固此關內東路一帶興作工程之著有成效者也
西南各路防營將領如統帶良輔等營總兵凌春臺在
洵州屬之三甲集開挖水渠四十餘里創建水磨二盤
設立義學三處又修祈家集水渠一道太子寺堡城垣
壕溝並栽樹株三家集霄河城建立廟宇並昭忠祠四
所統領楚軍左路等營提督鄧榮佳在狄道州屬之中
部修土堡一座洮濱書院一所疏濬舊渠二道古城子

土堡一座栽樹三百餘株管帶楚軍左旂總兵張友元在狄道州城西門外修永寧橋一座計長二十丈高一丈寬八尺又自該州嵐關坪起至白林口止修治道路一百六十里木橋二座管帶楚軍左路後營副將李志剛在狄道北二十里鋪修造大水車一具栽樹一萬三千株管帶楚軍律武前營總兵李賓先在循化廳城內修蓋鋪屋五十五間並修理城樓及廟宇一所管帶靖綏營參將黃金福在碾伯縣屬棲鸞堡一帶創修溝渠築隄作壩二十餘里統領果軍提督劉明燈在大通縣

屬之永安營修補城垣栽樹四萬五千餘株管帶楚軍恒營總兵王聲揚自碾伯縣屬老鴉保起至響鏗止修理道路二百四十餘里管帶安西左營總兵張世才管帶宗岳義營總兵張星元在大通縣境修理道路三百數十里並建修橋梁補置船隻栽種樹株修復塘卡統領安西等營署鎮河協副將喻勝榮在西甯城外劉家河灣創建堡城一座並修建鎮河協衙署屋宇管帶向義營副將敖天印管帶楚軍藍左旂副將朱泰友管帶楚軍藍右旂副將李正魯先後在平番縣境栽樹七萬

八千餘株管帶楚軍左路正中營總兵周玉堂在平番
縣境鎮羌驛岔口驛修造廟宇二所石橋一道車店一
區堡寨一座爛泥灣開修石路一道此關內西南路一
帶興作工程之著有成效者也至新疆南路各城目光
緒二年大兵出關一舉盪平後臣檄飭各該防營會同
各善後局修濬河渠以興水利築繕城堡以嚴捍衛平
治道路以利轉運修造官店以便行旅出嘉峪關七程
爲安西直隸州治地近戈壁飛沙堆積州城東西兩面
沙與城齊臣飭署安西協副將甘雲亮督率弁兵兼募

新疆圖志

奏議志八

二二一

民夫由城堞逐漸開掘下至城根一律淨盡磚石顯露
還復舊觀引疏勒河水環戶既深且闊沿河種柳以護
堤岸城復壕開可垂久遠哈密廳屬石城子渠先經張
曜屯田該處已加修治臣等復飭駐紮哈密防營總兵
黃本富易玉林重爲濬治以利灌溉鎮西廳屬大泉東
渠經駐紮巴里坤統領蜀軍提督徐占彪督率興修迪
化州永豐大平二渠綏來縣一渠疊經由官借給銀糧
督飭戶民修理安順一渠現經鎮迪道福裕勘驗興修
奇臺縣屬渠道經署知縣劉嘉德勘明稟請修濬上魯

番廳屬官渠坎井經督辦善後道員雷聲遠駐紮該處
防營提督羅瑞秋遊擊宋得祿督率興修雷聲遠籌借
食糧督勸戶民淘濬坎井歲獲有秋庫爾勒舊有官民
渠二道兵燹失修該處防營都司鄒金本督率修復又
庫爾楚一帶河道長四十里水不歸渠旱潦無備防營
副將王玉林修築完好宣泄有資庫車阿柯寺塘賽馬
里柯兩處長六十里橫貫戈壁工程尤大駐紮庫車統
領安遠軍前安徽壽春鎮總兵易開俊督率弁兵輔以
民夫修築通暢增開支渠灌溉稱便綏來奇臺兩縣城

新疆圖志

奏議志八

二二二

門女牆均多損壞經前署瑪納斯協副將傅殿魁派勇
修復哈喇沙爾爲南疆要衝舊城卑薄復爲賊燬廬舍
蕩然惟安集延逆酋河古柏新築一城勉可補葺防營
知縣黃長周哈喇沙爾善後局員知州黃炳焜開拓修
築城週三半雉堞改觀庫車舊有漢城甚少年久傾圮
東向外環回城局勢頗闊易開俊會同善後局員同知
魏炳蔚察看形勢西北兩面均仍其舊其南城及東北
東南應即改築城週千三百三十四弓牆高一丈八尺
寬一丈五尺四隅炮臺縱橫四丈四尺四門城樓高四

丈八尺雄闊偉壯足稱南疆重鎮由哈密以達吐魯番自瞭墩至七克騰木四驛分南北兩路南爲官道妖風時作砂石俱飛甚者並人馬捲去渺無踪跡俗所稱風戈壁者也其北有小路可避風災本爲商旅必出之途然無店宇可資棲息行人苦之七克騰木防營總兵夏奉朝督飭弁兵將南路臺站移置北路添備官店水草器用此患乃免托克遜至喀喇沙爾中隔呵哈布拉地方兩峯壁立積石峻峭一徑羊腸下臨無際車馱經過輒有意外之虞防營總兵劉見榮錐幽鑿險化而爲夷

新疆圖志

奏議志八

二二四

用功至勤羣情欣愜清水河西灘灘五六里泥淖縱橫人馬多苦陷沒防營知縣黃長周都司鄒金本會同修治開渠洩浸墊以巨木雜覆樹枝土石平鋪始免積淖爲患此關外興作工程之著有成效者也兵燹之餘百廢肇興不資民力不耗官帑難矣而論其實濟則皆承平時所未經見者非諸將士來自出問習慣工作而皆知以勤民爲重其效或未易臻此也至諸工程皆設防護運之餘率作興事未可與工部例章並論且不列款請銷自可免由部議而工成犒勞酒食本與軍需賞耗

不同爲數又微業經酌提各營截曠欸下支用並未開
報正欸臣等現咨商劉錦棠張曜轉飭善後局員酌量
劃撥荒絕地畝招佃承租以作歲修經費庶可保完固
而規久遠所有甘肅新疆各處防營連年承修各工程
應否咨部備案理合恭摺具奏伏乞

聖鑒訓示施行

光緒六年四月十七日

新疆圖志

奏議志八

二二五

左宗棠復陳新疆宜開設郡縣疏

竊臣於光緒四年十一月奏覆新疆情形一摺欽奉諭旨事關創始必須熟籌於事前乃可收效於日後刻下伊犁未經收還一切建置事宜尙難遽定其餘南北各城應如何經理之處卽著左宗棠悉心籌畫次第興辦總期先實後名俟諸事辦有眉目然後設官分職改設郡縣自可收一勞永逸之效所有辦理情形並著隨時詳細具奏嗣於五年九月續奉

諭旨新疆地方愚回錮習未除自應規畫久遠移其風

新疆圖志

奏議志八

二二六

俗俾就範圍該大臣所擬改設郡縣應如何辦理之處並著妥籌具奏欽此竊惟新疆南路各城頻年辦理善後事宜均有端緒所有詳細情形業經會銜陳奏臣與楊昌濬再四諮度分設郡縣於時務相宜如蒙

恩旨俞允會同籌商辦理從此邊地腹地綱舉目張城郭廬帳羣萃州處彼此各仍其舊治外則軍府立而安攘有藉疆圉奠焉治內則吏事修而政教相承民行興焉上無鄙夷其民之心下有比戶可封之俗長治久安之效實基於此臣兩次欽奉

諭旨恭錄咨行新疆在事諸臣意見相合竊計改設郡縣經出經入費用較之從前部撥常年實數不但無增且可漸減誠及此時籌議興辦開設行省於

國計邊防不無裨補按新疆形勢所在北路則烏魯木齊南路則阿克蘇以其能控制全疆地居天山南北之脊居高臨下左右伸縮足以有爲也謹擬烏魯木齊爲新疆總督治所阿克蘇爲新疆巡撫治所彼此聲勢聯絡互相表裏足稱其形勢將軍率旗營駐伊犁塔爾巴哈臺改設都統並統旗綠各營並擬增設伊犁兵備道

新疆圖志

奏議志八

二二七

一員塔爾巴哈臺擬增同知一員以固邊防北路鎮迪道應仍其舊擬改設迪化州直隸知州爲迪化府知府擬增置迪化縣知縣一員附郭州屬原設縣四一阜康一昌吉一綏來一奇臺應仍其舊擬升呼圖壁巡檢爲圖壁縣知縣升濟木薩縣丞爲濟木縣知縣鎮西廳同知治巴里坤擬改爲鎮西州直隸州擬仍復原設宜禾縣知縣附郭哈密通判擬改爲直隸廳同知吐魯番境一名廣安州爲入南疆衝要首站擬增設廣安道一員以資控扼其吐魯番同知擬改爲廣安州直隸知州擬

升開展巡檢爲闡展縣知縣托克遜烏魯木齊通南八
城衝要擬就地置托遜縣知縣一員以資聯絡南路擬
設阿克蘇巡道一員喀什噶爾兵備道一員擬設知府
四員一治阿克蘇一治庫車並隸阿克蘇巡道按阿克
蘇卽古溫宿國擬設溫宿府知府一員溫宿縣知縣一
員附郭擬設尹河縣知縣一員治尹河瓦提擬設拜城
縣知縣治拜城均隸溫宿府知府管轄庫車卽古龜茲
國擬設鳩茲府知府一員鳩茲縣知縣一員附郭擬設
沙雅爾知縣一員治沙雅爾歸鳩茲府管轄喀什噶爾

新疆圖志

奏議志八

三三八

卽古疏勒國擬設疏勒府知府一員疏勒縣知縣一員
治漢城疏附縣知縣一員治回城並附郭歸疏勒府知
府管轄葉爾羌卽古莎車國擬設莎車府知府一員莎
車縣知縣一員治漢城莎附縣知縣一員治回城並附
郭歸莎車府知府管轄喀喇沙爾卽古焉耆國擬設焉
耆直隸州知州一員治喀喇沙爾並設庫勒縣知縣治
庫爾勒歸焉耆直隸州知州管轄和闐卽古于闐國擬
設于闐直隸州知州一員治和闐並設于闐縣知縣附
郭歸于闐直隸州管轄烏什卽古尉頭國擬設尉頭直

隸同知一員治烏什英吉沙爾卽古依附國擬設依附
直隸同知一員治英吉沙爾凡茲所擬建置大畧雖經
臣與新疆在事諸臣悉心商訂具有規模而地非親歷
究難信之於心旣擬置省分設郡縣則政務繁簡地畝
肥磽物產盈虛丁戶多寡差徭輕重爲缺分苦樂所關
非權其經出經入實數爲之斟酌損益俾適於中則官
困而民必受其病適奏調浙江候補知府陳寶善到營
臣延居幕中令其熟閱新疆各局往復公牘面爲講求
預將興革諸務貫徹胷中飭三月下旬出關徧歷新疆

新疆圖志



奏議志八

三九

察驗一切一面就近稟商各總統一面稟報聽候核示
陳寶善入官牧令廉幹耐勞熟嫻吏事茲令參商建置
興革事宜或有裨益至義塾甫興學政及各府廳州縣
校官應緩議設其丞倅佐雜應候分設郡縣後再分別
陳奏請

旨遵行新疆各員應否按照邊俸遣調升轉暫時亦可
緩議至各城應安設臺站驛遞增設提鎮副將參遊都
守千把外額大小武職及額兵俸廉餉乾本折均應俟
新設督撫會同議擬具奏而藩臬大員均隨督撫駐紮

庶總匯之司得所稟承事無不舉凡此皆應由新疆督撫奏明次第興辦者非臣所得預議也如新疆置省分設郡縣仰荷

諭旨允行應懇

天恩先

簡新疆總督新疆巡撫重以事權俾得隨時陳奏經達宸聰其新疆軍務臣有督辦之責不敢稍有諉謝也是否有當謹會同頭品頂戴幫辦甘肅新疆善後事宜臣楊昌濬合詞具陳伏乞

新疆圖志

奏議志八

四十

聖鑒訓示施行

光緒六年四月十八日

